

ինձ ձանձրալի չլիներ, եւ ւաւելացրուց, մի փոքր հանաքի ձեւ տալով իր խօսքերին:

– Դու երեխայութիւնից իրասածի (յամառ) տղայ էիր, Ֆարհատ: Ես գիտեմ, թէ քեզ կարողանամ հանգստացնել, Մարօին չեմ կարող. նա ւաւելի կապը-կտրած է: Գնացէք, ինչպէս ուզում էք, այնպէս արեցէք, ես ես գործիցը ձեռքերս լուանում եմ...

– Մարօն ուզում է, որ քո կամքովն լինի:

– Ուրեմն, թող խաթունին էլ իր հետ վեր առնէ:

– Դարձեա՛լ «կովը կովի հետ»...

Յասուն ծիծաղեց: Ծիծաղը նրա բարի երսի վրայ փոխտեցաւ ժպիտի եւ նա ասաց.

– Զոյրս քեզ շատ է սիրում, Ֆարհատ:

– Ի՞նչ գիտես:

– Նա ինքն ասաց ինձ:

– Թող սիրէ, ւաւելի լաւ:

– Բայց դո՞ւ:

– Ես՞... Մենք սիրում էինք մէկ մէկու, երբ դեռ երեխայ էինք:

– Այն սերն ուրիշ էր:

– Սերը միշտ սեր է. նա չի փոխւում:

– Դու կարդացողի գլուխ ունես, Ֆարհատ, քեզ հետ դժոար է խօսելը, – ասաց Յասուն եւ բարձրացրուց իր խարազանը, սկսեց քշել արօրին լծած եզները:

Ես հեռացայ:

Չարմանալին այն էր, որ մի քանի շարականներ սովորած լինելով, այն ժամանակ ես ուսումնական էի համարում: Ի հարկէ, Յասօի աչքում ամէն տիրացու կշիռ ուներ թէեւ ես ինքս այժմ ծիծաղում եմ իմ այն ժամանակոյ գիտութեան վրայ:

Յասօի արտը բաւականին հեռու էր գիւղից: Ես շտապում էի շուտ տուն հասնել, յայտնել Մարօին եղբօր համաձայնութիւնը. այդ պատճառով ընտրեցի թէեւ դժոարին, բայց ւաւելի կտրուկ եւ կարճ ճանապարհը: Յարկաւոր էր միայն իջնել ձորը, անցնել մի քանի բլուրներ, վերջին բլուրի վրայ արդէն կանգնած էր ծերուն որսորդի տունը: